



## **Warbixinta**

**Shir-gudoonka ee Kal-fadhigii 40<sup>aad</sup>**

***(From 22 June 2019 to 17 August 2019)***

## ***Ku: - Mudanayaasha Golaha Wakiilada JSL***

### ***Ujeedo: - Warbixinta Shir-gudoonka ee Kal-fadhigii 40<sup>aad</sup>***

#### **Kal-fadhigii 39<sup>aad</sup>**

<b>No</b>	<b>Kal-fadhiga</b>	<b>Taariikhda uu furmay</b>	<b>Taariikhda uu xidhmay</b>
1.	40 <sup>aad</sup>	22/06/2019	17/08/2019

**M**udanayaal,

Si aynu u gudano hawlaha inoo qorshaysan kal-fadhiga 41<sup>aad</sup> ee iminka aynu galnay isla markaana aynu u dardar galino, una dhameystirno hawlahii inaga baaqdey kal-fadhigii hore inagoo gudanyna Waajibaadkeena Qaran, waxaan halkan idiinku soo gudbinaynaa wax-qabadkii Golaha ee kal-fadhigii 40<sup>aad</sup> oo dhamaystiran si aad u xasuusataan waxyaabihii inoo qabsomay iyo wixii inaga baaqday ee inoogu qorshaysnaa ajandahaas hore.

Kal-fadhigii 40<sup>aad</sup> ee Golaha waxa u qabsomay waxyaabo badan oo aad u muhiima kuwaas oo ay ugu waynayeen Ansixintii Xeerarka, Doodo uu Goluhu ka yeeshay Xaaladda dalka, safaro iyo Wufuudo ajaanib ah oo Goluhu la kulmay, Waxyaabihii Gudiyadda iyo Maamulka Golahaba u qabsomay si aynu u dardargalino shaqada inoo qorshan *kal-fadhigan 41<sup>aad</sup>*.

#### **Warbixinada Golaha laga hor akhiraayay**

<b>Tar.</b>	<b>Warbixinta</b>	<b>Cid akhridey</b>
29/06/2019	Warbixinta Gudidda Joogta	Md. Axmed Ducaale Gud. Ku-xigeenka Gudidda Joogtada
29/06/2019	Warbixinta Shir-gudoonka	Mr. C/risaaq Siciid Ayaanle Xoghayaha Guud ee Golaha
27/07/2019	Warbixinta Gudidda Deegaanka ee Xeerka Macdanta	Gudoomiyaha Gudidda Deegaanka Md. Maxamed Yuusuf Waabeyo

#### **Xeerarka Goluhu ka dooday**

<b>No</b>	<b>Xeerarka laga dooday</b>	<b>Taariikhda</b>
1.	Xeerka ka hortaga Maydhaanka Lacagaha	03/08/2019

2.	Xeerka Xaqsiinta iyo Hawlgabka Ciidamada	05/08/2019
3.	Xeerka Macdanta	03/08/2019

### Xeerarka uu Goluhu Ansixiyay

No	Mashruuc Sharciga la Ansixiyay	Taariikhda	Halka loo gudbiyay
4.	Xeerka ka hortaga Maydhaanka Lacagaha	22/07/2019	Madaaxweynaha
5.	Wax-ka beddelka iyo Kaabista Xeerka Ismaamulka Gobolada iyo Degmooyinka	20/07/2019	Golaha Guurtida

### Masuuliyiintii Qaran ee La ansixiyay.



No	Magaca Masuulka	Xilka	Taariikhda
6.	C/risaaq Cali Ayaan	Wasiirka W. Cadaaladda	21/07/2019
7.	Cumar Cali C/laahi	Wasiirka W. Caafimaadka	21/07/2019
8.	Cabdinaasir Caydiid Mxamed	Wasiir ku-xigeenka W. A. Gudaha	21/07/2019
9.	Farxaan Aadan Haybe	Gudoomiyaha Hay'adda Shaqaalaha	21/07/2019

## Xeerarka Golaha horyaal ee Qabyada ah

### Xeerarka Gudiyadu gacanta ku hayaan

No	Magaca Xeerka	Gudidda gacanta ku heysa
1.	Xeerka Dhakhliga Shidaalka	Gudidda Dhaqaalaha
2.	Xeerka Sahminta iyo Soo saarista Shidaalka	Gudidda Deegaanka iyo Kheyraadka Dabiiciga
3.	Wax ka badalka Xeerka Saxaafada	Gudidda Arrimaha Bulshada iyo Diinta
4.	Xeerka ka hortaga Argagaxisada	Gudidda Arrimaha Gudaha
5.	Wax ka badalka Xeerka Doorashada Guud iyo D/galinta	Gudidda Arrimaha Gudaha
6.	Xeerka Caasimada	Gudidda Arrimaha Gudaha
7.	Xeerka Shaqaalaha Dawlada Hoose	Gudidda Arrimaha Bulshada
8.	Waxa ka badalka iyo kaabista Xeerka Ciqaabta Guud	Gudidda Cadaalada, Garsoorka iyo X. Insaanka
9.	Xeerka Shaqaalaha Baarlamaanka	Gudidda Joogtada iyo Anshaxa
10.	Xeerka Garyaqaanka Guud ee Qaranka	Gudidda Cadaalada, Garsoorka iyo X. Insaanka

### Xeerarka GoleWaynaha Horyaal

11.	Xeerka Hawlgabka iyo Xaqsiinta Ciidamada	Akhriski labaad Codayn
12.	Xeerka Macdanta	Akhriski labaad Codayn



## **Waxqabadka Guddiyada Golaha Wakiilada**

### **Guddida Joogtada iyo Anshaxa**

Sida uu waajibinayo Dastuurka Qaranku iyo Xeer hoosaadka Golaha Wakiiladda waxay Guddida Joogtada iyo Anshaxu hawlaha Golaha sii wadaan muddada uu Goluhu fasaxa ku jiro.

Guddida Joogtada iyadoo gudanaysa waajibaadkeeda Dastuuriga ah ee xil-gudashada hawlaha Qaran, iyadoo ka duulaysa muhiimada ay leeyihiin hawlaha qaran ee ay u hayaan Wasaaradaha Iyo Hay'adaha Madax-Banaani ee Dawlada, Waxa ay Mudanayaasha Guddida Joogtadu kulamo xog-waraysi la yeesheen warbixino kala duwana ka dhagaysteen masuuliyiinta Wasaaradaha iyo Hay'addaha Madaxa-banaan ee Qaranka qaar ka mida.

### **Waxay kulamo Xog-waraysi Guddidu la yeelatay Masuuliyiintan:-**

- Wasiirka Wasaaradda Waxbarshada iyo Sayniska oo Gudiddu kala hadashay Cabasho Iskuulada Gaarka loo leeyahay Guddida u soo gubiyeen
- Gudoomiyaha Hay'adda Shaqaalaha Dawlada
- Wasiirka Wasaaradda Horumarinta Caafimaadka

### **Guddida Dastuurka, Garsoorka Cadaalada iyo Xuquuqal Insaanka**

**25 August 2019** Waxay Guddida Cadaalada iyo Xuquuqal Insaanku Kulan hawleed u qabataay Xeerka Xafiiska Garyaqaanka Guud ee Qaranka, kulan hawleedkaas oo ay ka soo qaybgaleen Dadweyne ka kala socday Hay'addaha Dawlada, Sharci-qayaano iyo aqoonyahan kale gaar ahaan Hay'addaha Xeerku khuseeyo, kulankaas waxa mudo laba casho ah oo uu ka socday Hotel Maansoor lagu gorfeeyay Xeerka Garyaqaanka iyo la soo jeediyay tallooyin wax ku ool ah oo Xeerka waxna laga badalay ama lagaga kaabay.

### **Guddida Dhaqaalaha, Ganacsiga iyo Maaliyada**

**12-16 August 2019** Waxay Safar ugu kala baxday Goobaha Daklhiga Gobolada dalka, iyadoo Gudiddu isu qaybisay laba qaybood oo kala tagay Goobaha Daklhiga Gobolada Galbeedka iyo Goobaha Dakhliga Gobolada Bariga gaar ahaan Gobolada Saaaxil iyo Tog-dheer, safarkaas oo ujeedadiisu waxay kormeerida iyo xog-ogaal u noqoshada Ilaha Dakhliga ee Dalka.

### **Guddida Arrimaha Dibadda, Iiskaashiga Caalamiga ah iyo Q. Qaranka.**

**31 July 2019** Guddida Arrimaha Dibadda, iskaashiga caalamiga ah iyo Qorsaynta Qaranka ee Golaha Wakiilada waxay la yeelatay kulan Xarunta Golaha Wasiir ku-xigeenka ahna kusimaha Wasiirka Wasaaradda Qorshaynta iyo Horumarinta Qaranka Mudane **Eng. Xuseen Ibraahim Buuni.**

## Shirgudoonka Golaha Wakiiladda oo UNDP kala wareegey CCTV lagu xidhey Golaha

Tan iyo 2005, markii Golaha Wakiilada ee hadda jooga la soo doortey, Golahu wuxuu sameynayey horumar dhinacyo badan leh, hadday tahay kobcinta dhismaha xarunta GW, kor-uqaadida tayada shaqada, kobcinta aqoonta xildhibaanda iyo aqoonta shaqaalahaba.

GW oo ku guda jirey hirgalinta strategisadiisii 2aad ee 2017-2022, oo ahaa qorshe shan sanadleh, waxaa ku jirey in amniga xarunta Baarlamaanka kor looqaado (Golaha Wakiilada iyo Golaha Guurtida) si loo sugo bad-qabka mudanayaasha, shaqaalaha, iyo martida kale ee soo booqnaysa.

Hirgalinta CCTV ( kamarooyinka amniga) waxaa iska kaashaday hay'adda UNDP gaar ahaan mushruuca PSP, iyo Golaha Wakiilada oo waxaana fund-ka bixiyey SWISS fund iyo Dawlada Somaliland.

Kamarooyinka Amniga CCTV waxay qayb laxaad leh ka qaadan doonaan la socodka dhaq-dhaqaaqa guud ahaan xarunta cida ku sugan iyo hareera baarlamaanka si looga hortago khatar kasta oo dhici karta ama loo heli karo tixraac cid wax khaldan samaysa.



Hore waxaa baarlamaanku u tayeeyey qaabka loogalo baarlamaanka oo lagu xidhey qalabka qabta biraha iyo waxyaabaha kale ee mabnuuca ka ah in la'la galo baarlamaanka, waxaana hareera deyrka lagu sameeyey tower lagala socda dhaq-dhaqaaqa hareera iyo guud ahaan xarunta.

Dhamaystirka iyo hirgalinta qalabka kamarooyinka amniga waxaa qaybweyn ka qatey GW oo bixiyey kala badh qalabka lagu xidhey iyo agabka kale ee loo baahnaa si systemkani u noqdo mid si dhamaystiran u shaqeeyaa.

ugu dambeyn 22 July 2019 ayey suurto gashey la wareegida qalabka iyada oo uu Gudoomiyaha GW Mudane Baashe Mohamed Farah kala wareegey saraakiil ka socda UNDP, gaar ahaan xafiiska Hargeysa. waxaa kale oo xaflada la wareegida ku sugnaa, Gudoomiye ku xigeenka GW mudane Ahmed Yasin Sheik Ali Ayanle, xoghaya Guud ee GW Mudane Abdirizak Saed Ayanle, agaasimaha qorsheynta GW Abdinasir Osman Mohamoud, lataliya amniga ee GW Abdirizak Ibrahim. dhanka kale dhinaca UNDP waxaa ka socdey Mrs Samira Hassan Iyo Mudane Mascuud Abdi.

## Wufuudihii Dalka Yimi ee Golaha soo booqday.

### Shirgudoonka oo Kulan la qaatay Wefti Qaramada Midoobay ka socda

**July 18 2019** Shir-gudoonka Golaha wakiilada ayaa kulan maanta la yeeshay wefti Qaramada Midoobay ka socday oo u kuur gelayay Xaalada Xuquuqal Insaanka dalka

Kulankan laba geesoodka ahaa ayaa waxa ka qayb galay Gudoomiyaha Golaha wakiilada **Mudane Baashe Maxamed Faarax**, Gudoomiye kuxigeenka 1aad ee Golaha wakiilada **Mudane Axmed-Yaasiin Sh. Ali Ayaanle**, Xoghayaha Guud ee Golaha Wakiilada **Cabdirisaaq Siciid Ayaanle** iyo dhinaca weftiga oo uu Hogaaminayay **Bahame Tom M. Nyanduga** oo ah Khabiir Madax banaan oo UN ah, **Sia Mawalla UNSOM**, **ALICE Ngezahayv UNSOM**, **Marianick koffi OCHA** iyo **Axmed Cismaan Jaamac UNSOM**. Sidoo kale waxa ku wehelinayay La-taliyayaasha Cabdiraxmaan Hirad Jaamac iyo Cabdirisaaq Ibrahim Maxamed

Weftigan ayay ujeedadiisu ahayd xuquuqal insaanka dalka iyo xeerarka khuseeya ee Golahuhu gacanta ku hayo iyo sidii loo dardar gelin lahaa

Gudoomiyaha Golaha wakiilada ayaa weftiga u sharaxay xaalada guud ahaan dalka nidaamka dimuqraadiga ah iyo heerka xuquuqal iinsaanka Somaliland, waxa uu sidoo kale si gaara uga waramay xeerarka arintan khuseeya ee golaha yaala kuwa goluhu ansixiyey iyo kuwa aan xukuumadu weli u soo gudbinin, xeerarkan oo ay ka mid yihiin, Xeerka **Saxaafada**, xeerka **FGM-ka**, Xeerka **Kufsig**a iyo Xeerka **Booliiska**. Gudoomiye Baashe ayaa si gaara ugu mahad celiyey weftiga booqashadooda dalka.





**Weftiga ayaa gudoomiyaha iyo golahaba uga mahadceliyey soo dhawayntooda iyo xogaha faahfaahsan ee ay ka siiyeen waxaanay suaalo ka waydiiyeen xeerarka qaar oo gudoomiyaha goluhuna si waafiya ugaga jawaabay.**

Weftigan ayaa kulamo la qaadanaya madaxweynaha, Gudoomiyaha Maxkamada sare, Xeer ilaaliyaha Guud, Xisbiyada iyo komishanka xuquuqal iinsaanka Somaliland.

### **Shirgudoonka Golaha Wakiilada JSL oo kulan la yeeshay Wefti uu hogaaminayo Safiirka EU-da u qaabilsan Somaliland/Somalia**

**20 July 2019** Gudoomiyaha ayaa kulan la yeeshay Safiirka Cusub ee Midawga Yurub U Qaabilsan Dalalka Somaliland Iyo Soomaaliya **Amb. Nicolás Berlanga Martínez** oo uu wehelinayay Safiirka Jarmalka Ambassador Annett Günther.



Labada safiir iyo gudoomiyaha Golaha Wakiilada ayaa ka wada hadlay arimaha dooraahooyinka soo socda iyo sidii loo dardar gelin lahaa Goluhuna doorkiisa u qaadan lahaa, sidoo kale waxa kulanka layskula soo qaaday barnaamijyada horumarineed iyo mashaariicda ay dalka ka wadaan Jarmalka iyo midowga Yurub.

Gudoomiyaha ayaa uga mahadnaqay safiirada mashaariicda ay dalalkoodu ka wadaan Somaliland isla markaana ku booriyey inay sii wadaan.

### **Safaradii Dibada Dalka.**

22 September 2019 waxaa Safar ugu dalka Yugaandha Wefti uu hogaaminayo Gudoomiye kuxigeenka 1aad ee Golaha Wakiilada JSL Md. Axmed-Yaasiin Sh. Cali Ayaanle oo ka socday Golaha Wakiilada



Weftigan ayaa ka qayb gelay shirka Ururka Baarlamaanada Wadamada Barwaaqo Sooranka oo Jamhuuriyada Somaliland Xubin ka tahay kaas oo sanadkan lagu qabanyaa Dalka UGANDA, sidoo kale Ujeedadda Safarkaasi waxa kale oo ka qaybgalka Shirka weheliyay Dar dar galinta siyaasadda guud ee Qaranka ee Arrimaha Dibadda iyo sidoo kale Xoojinta xidhiidhadda Dibadda ee Golaha Wakiiladu la leeyahay Barlamaanadda dalalka kale ee Addunka.



Weftiga Gudoomiye kuxigeenka Golaha waxa ku wehelinayay Gudoomiyaha Gudida Arimaha Debedda Axmed N. Kijandhe, Gudoomiyaha Gudida Deegaanka iyo khayraadka dabiiciga ah Md. Maxamed X Yuusuf Waabeeyo, Gudoomiye kuxigenka Gudida Arimaha Dibada C/casiis Ismaaciil Ducaale iyo Xoghayaha Guud ee Golaha Wakiilada Cabdirisaaq Siciid Ayaanle.

Waftiga oo markuu gaadhay Caasimada dalka Uganda ee Kampala lagu soo dhaweyey Maamuus dawladeed waxaana Madaarka ku qaabilay oo ku soo dhoweeyay Xildhibaanada Baarlamaanka UGANDA oo ay hormood u yihiin Gudida Arimaha Dibada ee Baarlamaanka dalkaas waxayna ka qaybgaleen Shirka Ururka Wadamada Barwaaqo-sooranka oo 26 September 2019 si rasmiya u furmay.

Mudadii Waftigu dalkaas ku sugnaayeen waxay kulamo la yeesheen:-

- Wasiirka arimaha Dibada ee dalka UGANDA **Mr hon. Sam Kutesa.**
- Afhayeenka Baarlamaanka Uganda **Marwo Rebecca Kadaga,**
- Madaxda Gudiyada Baarlamaanka Uganda.
- Afhayeenka Barlamaanka Dalka Kamaruun **Marwo. Emilia Monjowa Lifak**
- Afhayeenka Baarlamaanka Dalka Tanzania **Mudane Job Ndugai.**

- Gudomiyaha Barlamaanka Kenya **Mudane Ekwee Ethur**
- Gudomiye Kuxigeenka Barlamaanka KoonfurAfrica **Mudane Solomon Lechesa Tsenoli**
- Wufuudihii ka kala socotay wadamada barwaaqo sooranka qaar ka mid ah sida Weftigii Ingiriiska, Weftigii Australia iyo qaar kale waxaanay kala hadleen qadiyada Jamhuuriyada Somaliland iyo danaha dalalkooda iyo Somaliland u dhexeeya.



Safarkaas oo qaadatay muddo sagaal cisho ah waxaa uu kusoo dhamaaday guul iyo horumar weyn oo guud ahaan Somaliland usoo hoyatay waxyaabaha guulahaas laga xusi karana waxaa ka mid ah:

- In markii ugu horaysay ay dawladda Somaliland ka qayb gasho shirweynaha Uururka Barlamaannadda dalalka barwaaqo sooranka ah isla markaana ay codsatay in ay xubin ka noqoto iyada oo codsigii laga qabtay.
- In Wasiirka arrimaha dibaddu ee dalka Uganda uu ka ogolaaday waftiga in Somaliland ka furato xafiis Ganacsi dalka Uganda.
- In dhamaan kulamadii ay waftigu qaateen ee ay la yeesheen madaxda dawladdaha kor ku xusan iyo sidoo kale madaxdii kale ee kasoo qayb gashay shirka sida kuwii ka socday dawladdaha Australia, UK, Malaysia iyo dalalkii kale uu dhamaan kusoo afmeermay is faham iyo wada shaqayn wacan.
- In dawladdaha, Kenya, Tanzania iyo Uganda ay sameeyaan xubno mudanayaal ah oo u olaleeya qadiyadda Somaliland isla markaana si gaar ah uga shaqeeya xubinadda Somaliland ee ka mid noqoshada ururka Barlamaanadda Barwaaqo Sooranka iyo IGAD
- Inay Casuumad ay u fidiyeen, afhayeenadda barlamaanadda, dalalka Tanzania, Camaroon, iyo Uganda ayna iman doonan dalka bilaha soo socda haddii allahu ka dhigo.

**C/risaaq Siciid Ayaanle**  
**Xog-hayaha Guud ee Golaha Wakiilada JSL.**